

LATIN-LEVEL I

*NOTE: Students are required to recite from memory **two** poems: the Mandatory Selection, as well as one from the other three poems under Second Selection.*

Mandatory Selection

Catullus 9.1-10

Verani, omnibus e meis amicis

antistans mihi milibus trecentis,

venistine domum ad tuos penates

fratresque unanimos anumque matrem?

venisti. o mihi nuntii beati!

(5)

visam te incolumem audiamque Hiberum

narrantem loca, facta, nationes,

ut mos est tuus, applicansque collum

iucundum os oculosque suaviabor.

o quantum est hominum beatiorum,

quid me laetius est beatiusve?

(10)

LATIN: LEVEL I (cont'd)

Second Selection I

Martial 1.6

aetherias aquila puerum portante per auras

inlaesum timidis unguibus haesit onus:

nunc sua Caesareos exorat praeda leones

tutus et ingenti ludit in ore lepus.

quae maiora putas miracula? summus utrisque (5)

auctor adest: haec sunt Caesaris, illa Iovis.

Second Selection II

Martial 1.14

delicias, Caesar, lususque iocosque leonum

vidimus — hoc etiam praestat harena tibi —

cum pressus blando totiens a dente rediret

et per aperta vagus curreret ora lepus.

unde potest avidus captae leo parcere praedae? (5)

sed tamen esse tuus dicitur: ergo potest.

LATIN: LEVEL I (cont'd)

Second Selection III

Martial 1.22

quid nunc saeva fugis placidi, lepus, ora leonis?

frangere tam parvas non didicere feras.

servantur magnis isti cervicibus ungues

nec gaudet tenui sanguine tanta sitis.

praeda canum lepus est, vastos non implet hiatus: (5)

non timeat Dacus Caesaris arma puer.

LATIN LEVEL II

*NOTE: Students are required to recite from memory **two** poems: the Mandatory Selection, as well as one from the other three poems under Second Selection.*

Mandatory Selection

Propertius 1.10.1-8

o iucunda quies, primo cum testis amori

affueram vestris conscius in lacrimis!

o noctem meminisse mihi iucunda voluptas,

o quotiens votis illa vocanda meis,

cum te complexa morientem, Galle, puella (5)

vidimus et longa ducere verba mora!

quamvis labentis premeret mihi somnus ocellos

et mediis caelo Luna ruberet equis,

LATIN: LEVEL II (cont'd)

Second Selection I

Ovid *Heroides: Medea to Jason* 73-80

‘ius tibi et arbitrium nostrae fortuna salutis
tradidit, inque tua est vitaque morsque manu.
perdere posse sat est, siquem iuuet ipsa potestas; (75)
sed tibi servatus gloria maior ero.
per mala nostra precor, quorum potes esse levamen,
per genus, numen cuncta videntis avi,
per triplicis vultus arcanaque sacra Dianae,
et si forte aliquos gens habet ista deos — (80)

Second Selection II

Ovid *Heroides: Penelope to Odysseus* 13-20

in te fingebam violentos Troas ituros;
nomine in Hectoreo pallida semper eram.
sive quis Antilochum narrabat ab hoste revictum, (15)
Antilochus nostri causa timoris erat;
sive Menoetiaden falsis cecidisse sub armis,
flebam successu posse carere dolos.
sanguine Tlepolemus Lyciam tepefecerat hastam;
Tlepolemi leto cura novata mea est. (20)

LATIN: LEVEL II (cont'd)

Second Selection III

Ovid *Heroides: Hypsipyle to Jason* 1-8

litora Thessaliae reduci tetigisse carina

diceris auratae vellere dives ovis.

gratulor incolumi, quantum sinis; hoc tamen ipsum

debueram scripto certior esse tuo.

nam ne pacta tibi praeter mea regna redires, (5)

cum cuperes, ventos non habuisse potes;

quamlibet adverso signatur epistula vento.

Hypsipyle missa digna salute fui.

LATIN LEVEL III

*NOTE: Students are required to recite from memory **two** poems: the Mandatory Selection, as well as one from the other three poems under Second Selection.*

Mandatory Selection

Catullus 64.1-10

Peliaco quondam prognatae vertice pinus

dicuntur liquidas Neptuni nasse per undas

Phasidos ad fluctus et fines Aeeteos,

cum lecti iuvenes, Argivae robora pubis,

auratam optantes Colchis avertere pellem (5)

ausi sunt vada salsa cita decurrere puppi,

caerula verrentes abiegnis aequora palmis.

diva quibus retinens in summis urbibus arces

ipsa levi fecit volitantem flamine currum,

pineae coniungens inflexae texta carinae. (10)

LATIN: LEVEL III (cont'd)

Second Selection I

Lucretius *De Rerum Naturá* 2.1-8

suave, mari magno turbantibus aequora ventis,
e terra magnum alterius spectare laborem;
non quia vexari quemquamst iucunda voluptas,
sed quibus ipse malis careas quia cernere suave est.

suave etiam belli certamina magna tueri (5)

per campos instructa tua sine parte pericli.

sed nil dulcius est, bene quam munita tenere

edita doctrina sapientum templa serena,

LATIN: LEVEL III (cont'd)

Second Selection II

Lucretius *De Rerum Naturá* 1.1-9

Aeneadum genetrix, hominum divumque voluptas,
alma Venus, caeli subter labentia signa
quae mare navigerum, quae terras frugiferentis
concelebras, per te quoniam genus omne animantum
concipitur visitque exortum lumina solis:
te, dea, te fugiunt venti, te nubilia caeli
adventumque tuum, tibi suavis daedala tellus
summittit flores, tibi rident aequora ponti
placatumque nitet diffuso lumine caelum.

(5)

LATIN: LEVEL III (cont'd)

Second Selection III

Catullus 64.347-355

currere ducentes subtegmina, currere, fusi.

illius egregias virtutes claraque facta

saepe fatebuntur gnatorum in funere matres,

cum incultum cano solvent a vertice crinem, (350)

putridaque infirmis variabunt pectora palmis.

currere ducentes subtegmina, currere, fusi.

namque velut densas praecerpens messor aristas

sole sub ardenti flaventia demetit arva,

Troiugenum infesto prosternet corpora ferro. (355)

LATIN LEVEL IV

*NOTE: Students are required to recite from memory **two** poems: the Mandatory Selection, as well as one from the other three poems under Second Selection.*

Mandatory Selection

Vergil *Aeneid* 9.54-64

clamorem excipiunt socii fremituque sequuntur

horrisono; Teucrum mirantur inertia corda, (55)

non aequo dare se campo, non obuia ferre

arma viros, sed castra fovere. huc turbidus atque huc

lustrat equo muros aditumque per avia quaerit.

ac veluti pleno lupus insidiatus ovili

cum fremit ad caulas ventos perpressus et imbris (60)

nocte super media; tuti sub matribus agni

balatum exercent, ille asper et improbus ira

saevit in absentis; collecta fatigat edendi

ex longo rabies et siccae sanguine fauces:

LATIN: LEVEL IV (cont'd)

Second Selection I

Vergil *Aeneid* 9.791-798

acrius hoc Teucris clamore incumbere magno (791)

et glomerare manum, ceu saevum turba leonem

cum telis premit infensis; at territus ille,

asper, acerba tuens, retro redit et neque terga

ira dare aut virtus patitur, nec tendere contra (795)

ille quidem hoc cupiens potis est per tela virosque.

haud aliter retro dubius vestigia Turnus

improperata refert et mens exaestuat ira.

Second Selection II

Vergil *Aeneid* 6.45-53

ventum erat ad limen, cum virgo 'poscere fata (45)

tempus' ait; 'deus ecce deus!' cui talia fanti

ante fores subito non vultus, non color unus,

non comptae mansere comae; sed pectus anhelum,

et rabie fera corda tument, maiorque videri

nec mortale sonans, adflata est numine quando (50)

iam propiore dei. 'cessas in vota precesque,

Tros' ait 'Aenea? cessas? neque enim ante dehiscunt

attonitae magna ora domus.' et talia fata

LATIN: LEVEL IV (cont'd)

Second Selection III

Vergil *Aeneid* 12.1-8

Turnus ut infractos adverso Marte Latinos
defecisse videt, sua nunc promissa reposci,
se signari oculis, ultro implacabilis ardet
attollitque animos. Poenorum qualis in arvis
saucius ille gravi venantum vulnere pectus (5)
tum demum movet arma leo, gaudetque comantis
excutiens cervice toros fixumque latronis
impavidus frangit telum et fremit ore cruento: